

նութիւն կը կոչէ զՀայս: Հայք նմա հաստ թի-
կունք կը լինին 'ի պատերազմունս ընդդէմ Փո-
լոկցի իշխանաց: Պատերազմէն վերջը Թէոդոր հա-
մոզած է զՀայս մնալ 'ի Ռուսաստան, շնորհելով
չատ արտօնութիւններ:

Երբ այդ երկիրներուն կը տիրեն Լեհք, ըստ
վկայութեան Փիտոշ Կարմիրիանի և Սևտոնիի նոցա
ևս վաւերացընեն Հայոց առանձնաշնորհութիւնները:

1280 ին Լեւոն Դանելովիչ Կալիցիոյ նախարարը
զՀայս Թաթարաց հետ 'ի միասին օգնութեան կը
կանչէ զրացի ազգաց հետ ունեցած պատերազմաց
միջոց. և ապա մեծ հողերով կը վարձատրէ զՀայս:
Անշուշտ Կամենիցէ 10 վերստ հեռաւորութեամբ
գտնուած Արմեանէ և Արմեանքի գիւղերը՝ նոյն
ատենէն այդ անունները կը կրեն:

Չարմա — զանի արշաւանօք բոլորովին քարու-
քանդ կը լինի Մնի, և նորա ոստանիկ բնակիչքն՝
« Թողով զօսկէզօժ պալատս և զծաղկաւէտ դաշ-
տըս, զվանորայս և զեկեղեցիս աւեր, շուեալ եկին՝
որպէս փախստական 'ի յԱխստղայ, որ է 'ի մէջ
Հաշտարխանու և Ղազանու, ոմանք զնացին 'ի
Ճուղայ, ոմանք 'ի Վան և այլք 'ի Սիս »: Ախստ-
րայի գաղթականութիւնը հոն ևս հանգստութիւն
չգտանելով Թաթարաց ձեռքէն, « Յղեն 'ի Ղրիմ
առ իշխանն Ջինիւիզաց, որ բնակէր 'ի մէջ
Ֆռանկ — Հիսարին Ֆէօդօսիու, ուխտ դնեն ընդ
իշխանին Ֆէօդօսիու, ելեալք 'ի յԱխստարայէ իշ-
խանք և հասարակ ժողովուրդք վառեալք զինու,
պատերազմելով ընդ Թաթարացն, ձեռքեալ գան 'ի
Ղրիմ, և բնակին 'ի Ֆէօդօսիա: Ի Կազարաթ¹ և

1. Կազարաթ Հայոց մեծ աւան եղած է Հին-Ղրիմու և
Սուտաղի մէջ: